





純陽呂真人詩

詩記歌詞

贈劉方處士



六國愁看沉與浮携琴長嘯出神州擬向煙霞煮白石偶來城
 市見丹丘受得金華出世術期愚紫府駕雲來年來摘得黃巖
 翠琪樹參差連地肺露飄香隴玉苗滋月上碧峯丹鶴唳洞天
 消息春正深仙路往還俗難繼忽因乘興下白雲與君邂逅於
 塵世塵相逢開口希共論太古同流志瑤琴寶劍與君彈瓊漿
 玉液勸我醉醉中亦話興亡事道云拙無歸組累浮世短景倏
 成空石火電光看卽逝韶年淑質曾非固花面玉顏還作土芳

樽但繼曉復昏樂事不窮今與古何如識箇玄玄道在杳冥須
細考壺中一粒化竒物物外千年功力與但能制得水中華水
火翻金丹竈丹就人間不允居自有碧霄元命誥玄洲瑒谷悉
可居地壽天齡永相保鸞車鶴駕逐雲飛迢迢瑤池應易到耳聞
爭戰還傾覆眼見妍華成枯槁唐家舊國盡漢室諸陵空白草
蜉蝣世界實足悲權花性命莫遲遲珠幾溢屋非爲福羅綺滿
箱徒自危志士戒貪者所重達人忘欲寧自期劉方劉方審听
我流光迅速如飛過陰媿果決用心除尸鬼因循爲汝禍八瓊
祕訣君自取莫待鉛空車又破破車壞鉛須震驚直遇伯陽應
不可悠悠憂家復憂國耗盡三田元宅火咫尺玄關若要開憑

君自解黃金鎖

寄白龍洞劉道人

玉走金飛兩曜忙始聞花發又秋霜徒誇篋壽千來歲也似雲
中一電光何疾百年都來三萬日其間寒暑互煎燉不覺童顏
暗中失從有兒孫滿眼前却成恩愛轉牽纏及乎精竭身枯朽
誰解教伊暫駐顏延年之道既無計不免將身歸逝水但看古
往聖賢人幾箇解留在身世身在世也有方只爲時人誤度量
競向山中尋草藥仗鉛制求點丹陽事與丹陽迥別湏向坎中求赤血取
來离位制陰精配和調合有時節有時節用媒人金翁姹女結親姻
金翁偏愛騎白虎姹女常駕赤龍身虎來靜坐秋江裏龍向潭

中奮身起兩獸相逢戰一場波浪奔騰如鼎沸黃婆丁老助成
靈槭動乾坤走神鬼須臾戰罷雲氣收種箇玄珠在泥底從此
根芽漸長成隨時灌溉抱真精十月脫胎吞入口忽覺凡身已
有靈此箇事世間稀不是等閑人得知宿世若無仙骨分容易
如何得遇之金液丹宜便煉大都光景急如箭要取魚須結釜
何不收心煉取鉛莫教獨被風吹滅六道輪迴難怨天近來世
上人多詐盡着布衣稱道者問他金木何是般噤口不言如害
哑却云服去與休糧別有門庭道路長豈不見陰君破迷歌裏
說太乙舍真法最強莫恠言詞太狂劣只爲時人難鑒別惟君
心與我心同方敢傾心與君說

贈喬二郎

君與我相見皇都裏陶陶動便經年醉醉中徃愛藏真亦不爲他名與利
勸君休戀浮華勞直須奔走煙霞成煙霞散去如何去先須肘後飛金晶
飛到上宮裏上宮下宮通光明當時玉汞消消生奔歸元海如雷聲從此
夫妻相際會歡一作踴躍情無外水火都來兩半間卦候翻成地天泰一浮一
沉陽煉陰陰盡方知此理深到底根元是何物分明只是水中金喬公喬
公急下手莫逐鳥飛兼走兔如何修煉作真人塵世浮生終不久人一作道長
生沒得來自古今有有有

鄂渚悟道歌

縱橫天際爲閑客時遇季秋重陽節陰雲布徧長空膏澤連綿滋萬物因

兩泥滑門不出忽聞隣舍語丹術試問鄰公可相傳一言許肯更無難數篇竒
經文入手一夜挑燈讀不了曉來日早絕看畢不覺自醉如恍惚恍惚之中見
有物狀如日輪明突岬自言便是丹砂精宜向鼎中烹凡質凡質本來不貨真
須得真中物不用鉛不用汞還丹須向爐中種玄中之玄號真鉛及至用鉛還
不用或名龍或名虎或虎嬰并姽女丹砂一粒名千般一中有一為丹母火莫燃水莫
凍之須珍重直待虎嘯折巔峰驪龍奪得玄珠弄龍吞玄寶忽昇飛飛龍
被我捉來騎一翥上朝碧落廣闊無東西無曉無夜無年月無寒無暑無
四時自從修到無為地始覺竒之又恠之

天記

數載樂幽幽欲逃寒暑逼不求名與利猶恐身心役苦志暮黃庭慙慙求
道跡暗功暗心修善行長日積世路果逢時師人皆不職我師機行密懷量性孤
僻解把五行移能將四象易傳與造化門始悟稀夷則服取兩般真從頭路端
的烹煎日月盡不離乾坤側至道眼前觀得之元咫尺真空空不空真非色色
色推倒玉葫蘆迸出黃金液緊把持龍頭猛將驪珠吸吞歸臟腑中奪得
神仙力妙號一黍珠延年萬億同途聽我吟與道相親益未曉真黃茅徒勞有
此怕把住赤龍魂突出銀蟾魄未省此中玄常流容易側三天應有路九地終
無危守道具藏愚忘機要混跡群生莫相輕已是蓬萊客

秘訣歌

求之不見來卽不見不見君之素面火裏曾飛水中亦見道路非遙身心不戀
又不知有返陰之龜回陽之鴈遇卽遇其人達卽達其神一萬二千甲子這一

壺流霞長常春流霞流霞本性一家饑餐日精渴飲月華將甲子丁丑之歲
與君決破東門之大瓜

勉牛生夏侯王

二秀才二秀才兮非秀才非秀才兮仙是才中華國裏親糟遇仰面觀天笑
眼開一作鶴行希龜骨龍吟兮虎顏我有志言相勸勉願君兮物猜勿猜但
照日吹月嘖雨呵雷火寄真宮水濟丹臺金木交而土歸位鉛汞分而丹露胎赤
血換兒白乳流透九竅兮動百骸然然卷然然舒哀哀咿咿孩兒喘而不死
腹空虛兮長酬酬名利兮狂歌醉武酬富貴兮麻襪沙鞋甲子問時休記嘗
桑田變作黃埃青山白雲好居住勸君歸去來兮歸去來

谷神歌

我有一腹空谷虛言之道有又還無言之無兮不可捨言之有兮不可居谷兮谷兮
太玄妙神兮神兮真大道保之守之不死名修之煉之神仙號神得以一靈谷得之盈
若能守一只此是長生本不遠離身還不見煉之功若成自然凡骨變谷神不死玄
北門出入綿綿道若存修煉還須夜半子河車般載上崑崙龍又吟虎又嘯風
雲際會黃婆叫火中姹女正含嬌回觀水底嬰兒悄嬰兒姹女見黃婆兒女相逢
兩意和金殿玉堂門十二金公木母鄭來過重門過後牢關鎖點檢斗牛先下火進
火消陰始一陽千歲仙桃先結菓曲江東岸金烏飛西岸清光玉兔輝烏兔走歸風
頂上爐中姹女脫青衣脫却青衣露素體嬰兒領入重幃裏十月清濃產一男
說道長生永不死勸君煉勸君修谷神不死此中求此中悟取玄微處與君白日

修身訣三首

人命急如線上下往速如箭認得是元神子後午前須至煉隨意出隨意入
天地三才人得一勿遺失失了永求無一物堪嘆荒郊塚墓中自古威士
不知屈一本無後兩句

煙花爛熳人事悠悠得之者一氣含元失之者三泉昧景至葉龍居虎位
虎據龍宮當龍虎混合之時認恍惚杳冥之露大電霹而神莫為迅雷
烈而神莫知去彼此之方用資久視之功即是遷神之妙一本去彼繁華取此
真實用資云

先住其子後覓其母率首為宗擒和正取水伏其火龍引其虎得自兩眉始
應玄扎雷敬馬電查無非黃蓋之家一作中金液瓊漿將水盡屬丹池之寶老子之
術盡於斯矣嗟失金玉滿堂莫之能守也

長短句

落窺且落窺夜宿鄉村朝遊城郭閑來無事翫青山困來街市
貨丹藥賣得錢不等度酤美酒自斟酌醉後吟哦動鬼神任意日
頭向西落

直指大丹歌

三清宮殿隱崑崙巔日光浮起紫煙池沼泓泓翻玉液樓臺疊
疊運靈泉青龍乘火鉛為汞白虎騰波汞作鉛欲得坎男求正
偶須憑離女結因緣黃婆設盡千般計金鼎開成一朶蓮列女
擎烏當左畔將軍戴兔鎮西邊黑龜却伏紅爐下朱雀還栖華
閣前然後神窺見影三周功就駕雲軒

漁父詞十八首

入定

閉目藏真神思凝杳冥中裏見吾宗無邊畔迥朦朧玄景觀來
覺盡空

初九

大道從來屬自然空堂寂坐守機關三田寶鎮長存赤帝分明
坐廣寒

玄用

日月交加曉夜奔崑崙頂上定乾坤真鏡裏實堪論鬢髮紅霞
曉寂門

神効

恍惚擒來得自然偷他造化在其間神鼎內火烹煎盡歷陰陽
結作冊

沐浴

卯酉門中作用時赤龍時蘸玉清池雲薄薄雨微微看取妖容
露靈肌

延壽

會合都從戊己家金鉛水汞莫須誇只此物結丹砂反覆陰陽
色轉華

延壽

子午常殄日月精玄關門戶啓還高長如此過平生且把陰陽
子細烹

活得

位立三才屬五行陰陽合處便相生龍飛踔虎往啼箇神珠
各戰爭

燦爛

四象分明八卦周乾坤男女論綢繆交會處更嬌羞轉覺情深
玉體柔

鍊質

運本還元於此尋周流金鼎虎龍吟身不老俗難侵貌返童顏

骨變金

神異

還返初成立變童瑞蓮開處色輝紅金鼎內迥朦朧換骨添筋
處處通

知路

那箇仙經述此方參同大易顯陰陽須窮取莫顛狂會者名高
道自昌

朝帝

九轉功成數盡乾開爐撥鼎見金丹殄餌了別塵寰足躡青雲
突上天

方契理

舉世人生何所依
不求自己更求誰
絕嗜慾斷貪疑
莫把神明暗裏欺

自無憂

學道初從此處修
斷除貪愛別嬌柔
長守靜處深幽
服氣食霞飽即休

作甚物

貪貴貪榮逐利名
追遊醉後戀歡情
年不永代君驚
一報身終那裏生

疾瞽地

萬劫千生得箇人
須知先世種來因
速覺悟出迷津
莫使輪迴受苦辛

常自在

閉目尋真真自歸
玄珠一顆出輝輝
終日翫莫拋離
免使閻王遣使追

夢江南詞十一首

淮南去淮南去
秋石最堪誇
位應乾坤白露節
象移寅卯載河車子午結朝霞

王陽術王陽術
得祕是黃芽
萬藥初生將此類
黃鍾應律始歸家
十月定君誇

黃帝術黃帝術玄妙美金花玉液初凝紅粉見乾坤覆載暗交
加龍虎變成砂

長生術長生術玄要補泥丸彭祖得之年八百世人因此轉傷
殘誰是識陰丹

陰丹訣陰丹訣三五合玄圖二八應機堪採運玉瓊回首免榮
枯顏貌勝凡妹

長生術長生術初九祕潛龍慎勿從高宜作客丹田流注氣交
通耆老反嬰童

修身客修身客莫誤入迷津氣術金丹傳在世象天象地象人
身不用問東隣

還丹訣還丹訣九九最幽玄三性本同一體內要燒靈藥切尋
鉛尋是神僊

長生藥長生藥不用問他人八卦九宮看掌上五行四象在人
身明了自通神

學道客學道客脩養莫遲遲光景須如夢裏還丹粟粒變金婆
死去莫回歸

治生客治生客審細察微言百歲夢中看即過勸君條煉保尊
年不又是神仙

西江月八首

著意黃庭歲久番心金碧年深爲憂白髮髮相侵仙訣朝朝討
尋 祕要俱皆覽過神仙奧指重吟至人親指水中金不負平
生志心

任是聰明志士常迷東竈黃庭恭同大易事分明不曉如醉難
醒 若遇高人指引都來不費功成北方坎子是金精認得黃
芽方盛

世有學人無數愚癡妄意如麻汞鉛錯認結爲砂運火欲覓黃
芽 千日虛勞心力人人盡破其家真鉛似玉本無瑕將鳳欲
比狂鷗

養就兒辨水源清濁木金間隔不因師指此事難知道要玄微
天機深遠下手速脩猶太遲蓬萊路待三千行滿獨步雲歸

卜筮子

心空道亦空風靜林還靜捲盡浮雲月自明中有山河影 供
養及脩行舊話成重省豆爆生蓮火裏時痛撥寒灰冷

步蟾宮

坎離坤兌逢子午須認取自家根祖地雷震動山頭雨要洗濯
黃芽土 捉得金精牢閉錮煉甲庚要生龍虎待問汝甚人傳

但說道先生姓呂

向有一太守好道令妓者唱道情詞曲妓無以應命遂
迎方士求之忽有道人過門索酒題詞于壁而去次日

妓佐公筵以此歌之太守驚問欲求道人竟失其蹤
方知其爲呂公也妓亦因此脫籍

滿庭芳

大道淵源高真隱秘風流豈可知聞先天一氣清濁自然分不
識坎離顛倒誰能辨全木浮沉幽微處無中產有間畔虎龍吟
壺中真造化天精地髓陰魄陽輝運周天水火燮理寒溫十
月脫胎丹就除此外皆是傍門君知否塵寰走徧端的少知音

醉江月

仙風道骨顛倒運乾坤平分時節金木相交坎離位一粒刀圭
疑結水虎潛形火龍伏體萬丈毫光烈仙花朵秀聖男靈女板
折霄漢此夜中秋銀蟾離海浪捲千層雪此是天闔地軸誰
解推窮圓缺片餉工夫霎時丹聚到此平何訣倚天長嘯洞中

無限風月

水龍吟

目前咫尺長生路多少愚人不悟愛河浪闊洪波風緊舟般難
略聽仙師語到彼岸只消一句煉金丹換了凡胎濁骨免輪迴
三塗苦

萬事登心定意聚真陽都歸一處分明認得靈光真趣本來面
目此箇幽微理莫容易等閑分付知蓬萊自有神仙伴侶同携
手朝天去

沁園春

火宅牽纏夜去明來早晚無休柰今日不知明日事波波劫劫
有甚來由人世風燈草頭珠露我見傷心眼泪流不堅久似石

中逆火水上浮漚

休休聞早回頭把往日風流一筆勾但籠衣淡飯隨緣度日任
人笑我我又何求限到頭來不論貧富着甚干忙日夜憂勸年
少把家緣棄了海上来遊

浪淘沙

我有屋三椽住在靈源無遮四壁任蕭然萬象森羅爲斗拱瓦
蓋青天無漏得多年結就因緣修成功行滿三千降得水龍
伏得虎陸地神仙

沁園春

詩曲文章任汝空留數千萬篇柰日推一日月推一月今年不
至道不煩不遠至人只在目前淮王煉石得冲天漢世已經千
年全在低心下意事該緣分偶然安爐致鼎盡周圓須得永
去投鉛

聽說金公兩字何物喚作金孫尋枝尋葉必知根無智便乃心
昏若用凡鉛爲體却來火魄無魂水銀漸結必難存祕訣要
處誰論

真假兩般玄字金公所料重迷凡鉛縱與岳山齊不肯假與金
妻聽說真鉛住處他家跳在深溪兩情恩愛事因媒義重爭
敢東西

水火運來周歲四六句錯如初水多火少失功勝地方始安

爐直須認鼎與藥却如雞子無珠內黃外白結凝酥一顆圓
明汞珠

彼此離於生處火遭水破驚忙分身各自擬深藏半路再遣蕭
郎夫為無衣素軀妻因水浸衣黃丙丁甲乙有形相剛遣令
合陰陽

沁園春

七還還丹在人先須煉已待時正一陽初動中宵漏永温温
鼎光透簾帟造化爭馳虎龍交媾進火功夫猶闢危猶闢危元作
牛斗危玉蟾

曲江上看月華瑩淨有箇鳥飛當時自飲刀圭又誰信魚中

了又待來年有限光陰無涯火院只恐蹉跎老却賢貪癡漢望
成家學道兩事雙全凡夫只戀塵緣又誰信壺中別有天這
道本無情不親富貴不疎貧賤只要心堅不在勞神不須苦行
息慮忘機合自然長生事待明公放下方可相傳

蘇幙遮

天不高地不大惟有真心物物俱含載不用之時全體在用即
拈來萬象用沙界虛無中塵色內盡是還丹歷歷堪收採這
箇鼎爐解不解養就靈鳥飛出光明海

雨中花

題岳陽樓

三百年間功標青史幾多俱委埃塵悟黃梁弃儒事厭世藏身

將我一枝丹桂換他千載青春岳陽樓上綸巾羽扇誰識天人
蓬萊願應仙舉誰知會合仙賓遙想望吹笙玉殿奏舞鸞祠
風馭雲駟不散碧桃紫棹長新願逢一粒九霞光裏相繼朝貞
促拍滿路花 題長安酒樓住
西風吹渭水落葉滿長安茫茫塵世裏獨清閑自然爐鼎虎繞
與龍盤九轉丹砂就一粒刀圭便是陸地神仙 從他富貴擁
華軒到了亦徒然黃梁猶未熟夢驚殘是非海裏終久立身難
拂袖江南去白蘋紅蓼再遊滄浦廬山

純陽祖師煉劍歌

煉心煉性煉吾劍心靜性忘劍不劍降龍伏虎運驅馳方可人
間尋虎戰情不動兮顏不變魂魄交加情不亂守牢直至一陽
來念念念中要一念真鉛獨藥採珠花吸動坎家真汞現採得
諸藥遍身澆汞火同行遭一片紫撮谷道猛提腰運轉黃河周
流遍升升上泥丸宮降降下金橋殿還歸至藥長黃芽澆
得成丹藏謂面溫養不可示非人遠了必定遭

天憲

Large stylized watermark or seal impression, possibly reading '圖書' (Library/Book).

Small square seal impression with characters in seal script, likely '上海圖書館藏' (Shanghai Library Collection).

Small square seal impression with characters in seal script, likely '藏書' (Collection).

Small square seal impression with characters in seal script, likely '吳興' (Wuxing).

